

principibus partibus, ad utrumque sexum in venereis amplexus sollicitandos, si modo probi odores infesti non fuerint; dejectas vires instaurandas, Evexiam illis procurandam quia morbis diurnis attriti fuerit.

Exhiberi potest à gutta vna vel duabus, ad septem usque vel octo, ex vino Hispanico, aqua Cinnamomi, aliave quopiam liquore cardiaco.

Licet etiam subtilissimum in pulverem deducere drachmas duas optimæ Ambræ Griseæ, cum equali pondere sacchari candidi, ac scutulo uno moschi Orientalis; additisque in totum guttis duodecim Oleorum Stillatiorum corticum malorum citriorum & Arantiosum, Florum Laventulæ, Majoranæ, Rosarum & Cinnamomi, simul conterere, ac in unum corpus compingere in mortario marmoreo, pistillo ligneo, indeque conficere Ambram griseam Essentificatam, ad servandam in vase quopiam exiguo, optime ocludendo, quæ in eodem usus trahi debet ac Essentia Ambræ griseæ puræ, sed dozi minori; quæ quidem satis est unaquaque vice exhibuisse magnitudinem parvi pistilli ex apice cultri, superbibendo paucillam vini Hispanici aut aquæ Cinnamomi.

## CAPVT XXXIV.

### *De Preparationibus Succini.*

**O**Rigo Ambræ flavæ & albæ, quibus plurimi nomen Succini, Electri, Chryso electri imposuerunt, Carabus item; Glessi & Resinæ terræ, non minus apud Authores dubia est quam Ambræ griseæ; Quædam enim Avium quarundam sterces esse censent; Alii succinam resinosum cuiusdam arboris esse asserunt nixi proculdubio Ovidii carminibus in metamorphosis, de mutatione sororum Phaetontis in arbores.

Inde fluunt lacrymæ stillataque Sole rigescent  
De ramis Electra novis, quæ lucidus annis  
Excipit ænuribus mirræ gestanda Latinis.

Alli vero stareunt succum esse bituminosum è terræ visceribus erumpentem, ad maris superficiem clarum, demum à sole concretum & extractum, ad littora maris, in quibus reperitur, à marinis fluctibus propulsam, Quam opinionem omnium maxime veteri consensum existimo.